



Indgået

27 JAN. 2017

Peter Olsen
Inatsisartunut ilaasortaq

NAMMINERSORLUTIK OQARTUSSAT
GRØNLANDS SELVSTYRE
INATSIARTUT ALLATTOQARFIAT
BUREAU FOR INATSIARTUT
BOX 1060 - 3900 NUUK

Nukissiorfiit nukissamik tunisassiorneranni nukissap atorreqanngitsup atorluarneqarnissaa pillugu § 37 naapertorlugu apeqquteqaammut nr. 035/2017-imut akissuteqaat

26-01-2017
Sags nr. 2017 - 1725

Inatsisartut suleriaasianni § 37, imm. 1 naapertorlugu Nukissiorfiit nukissamik tunisassiornerani nukissap atorreqanngitsup atorluarneqarnissaa pillugu Naalakkersuisunut apeqquteqaammik saqqummiussivutit. Apeqquteqaat suliaasaqarfinni akissuteqarfigineqartussatut innersuunneqarpoq.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

1. Ilumoorpa Nukissiorfiup nukik pilersittagaa taamaallaat 60 %-ip missaannaa atorreqartartoq? Imatut paasillugu nukimmit pilersinneqartumit 40 %-missaa taamaallaat innaallagissiornermut atorreqartartoq, sinneralu atunngitsoorneqartarluni.

Nukissiorfiit nukissamik ujartorneqartumik taamaallaat tunisassiornermi. Taamaalilluni nukissap (inaallagialaq aamma kiassarneq), Nukissiorfiit tunisassiaata 60 %-ia kisimi atorreqartartoq, uppersarnerqarsinnaangilaq.

Innaallagissamik tunisassiorneq tamatigut maannakkut ujartorneqartutut annertussuseqartarpoq. Nukissamik tunisassiornermi sumiluunniit kissamik ingerlaannaq atorreqarsinnaangitsumik annaasaqarneq pisarpoq, taamaattumillu piviusumik annaaneqartarluni. Tamatuma annertussusaa nukissiorfimmit nukissiorfimmut nikerarpoq. Erngup nukinganik innaallagissiorfik pitsaanerpaamik atorluaaviusarpoq.

Innaallagissiorfimmi dieselitortumi innaallagissamik tunisassiornermi suliap ingerlanerani kissamik pilersitsisoqartarpoq. Tamatuma kingunerisaanik ikummatissami nukissaq akuusoq, innaallagissiornermut 100 %-imik atorluarneqarsinnaangilaq. Dieselitortumik motorilimmit kissaq atorreqanngitsoq – pujoorfikkoortoq gassi, imeq nillusaat il.il. – sapinngisamik annertunerpaamik kissamik ingerlatitseqqittarfimmi saniatigut tunisassiatut iluatinnaateqartutut atorreqartussanngortinneqartarpoq, taannalu Nukissiorfiit, tamanna ajornartinnagu ungasianniit kiassarnermut atortarpaa.

Innaallagissiorfinni dieselitortuni atorreqartut annertussusaat aallaaviatigut 40 %-ip missaaniittarpoq. Motorimi kissarnermi sinneruttumi nukissaq ungasianiit kiassarnermut atorluarneqarsinnaappat, ikummatissami nukissaq sulii pitsaanerumik atorluarneqassaaq. Taamaalilluni atorreqartup annertussusaa

annertunerussaaq – innaallagissiorfiup pisoqaassusaa, pitsaassusaa il.il. apeqqutaalluni 80 % tikillugu. Kissamik pissarsiarineqarsinnaanngitsumik atorluarneqarsinnaanngitsumillu peqartuartsaavoq. Tamatuma saniatigut pisut ilaanni ungasianiit kiassarnermik pilersuinermik pilersitsinissaq imminut akilersinnaasanngilaq, tassami ungasianiit kiassaateqarfinnik il.il. pilersitsinermut aningaasartuutit, kissamik atorineqanngitsumik atorluanermit iluanaarutissanit annertunerusarmata.

Tamatuma saniatigut oqaatigineqassaaq, illoqarfinni erngup nukinganik innallagissiorfeqarfiusuni amerlanerni innaallagiq aamma innaallagissamik kiassarnermik tunisassiornermit aamma atorineqarpoq. Erngup nukinganit innaallagissiorfimi pisinnaasat innaallagissamik nalinginnaasumik ujartorneqartumik tunisassiornermut tamakkiisumik atorluarneqarsinnaanngippata, tamanna periarfissaavoq. Sumiiffinni taakkunani innaallagissamik kiassarnermik atuinerup annertusitinnissaa iluaqutissartaqarpoq, taamaalilluni erngup nukinganik innaallagissiorfiit sapinngisamik pitsaanerpaamik atorluarneqassallutik.

a. Taamassimanngippat taava qassi % atorineqartarpa?

Innaallagissiorfiup atorluarneqarnerata annertussusaa qanoq annertutiginersoq, sumiiffimmit sumiiffimmut assigiinngilaq. Ataatsimut isigalugu oqaatigineqarsinnaavoq nukissiorfiit innaallagissamik aamma kiassarnermik atuisunut pilersuiffiusut, 80 % angullugu atorluarneqarnerat annertussuseqarmat. Innaallagissiorfiit, taamaallaat innaallagissamik tunisassiorlut, 40 %-ip missaanik atorluarneqarnera annertussuseqarpoq.

b. Sumik peqquteqarpa nukiup pilersinneqartup tamakkerlugu atorineqarsinnaannginneranut?

Matuma siuliani akissuteqaat aamma apeqqummut 2-imut akissuteqaat innersuussutigineqarput.

c. Nukik pilersinneqartoq atorineqanngitsoortorlu illoqarfinni erngup nukinganik nukissiorfilinni qanoq naleqarpa?

Matuma siuliani nassuiarneqartutut innaallagiq ujartorneqartoq kisimi tunisassiarineqartarpoq. Kiassarnermut siunertanut erngup nukinga atorlugu innaallagissiornerup atorluarneqarnera pitsaanerulersinniarlugu siammarsarniarlugulu Nukissiorfiit suliniutinik annertunerusunik aallartitsivoq. Tamanna kommuninit najukkami allartitanut, kiisalu inuiaqatigiinnut avatangiisunut ataqatigiissaarinikkut pivoq.

d. Nukik pilersinneqartoq atorineqanngitsoortorlu illoqarfinni ikummatissatortumik nukissiorfilinni qanoq naleqarpa?

Kiassarneq oqaatigineqartutut innaallagissiornermit saniatigut tunisassiarineqarpoq. Kissaq iluaqutinngortinneqarsinnaappat iluaqutaavoq,

kisianni tamatuma tamakkiisumik ingerlannissaa periarfissaqanngilaq imminullu akilersinnaanani.

Kissap ungasianiit kiassarnermut atorneqarsinnaasup piviusumik nalinganut siusinnerusukkut missingersuusiortoqarsimanngilaq. § 37 naapertorlugu apeqquteqaammut nr. 2015_210-imut akissuteqaat innersuussutigineqarpoq. Taamaattoq erseqqissarneqassaaq, sumiiffinni amerlasuuni ungasianiit kiassarnermik pilersitsinerup inuiaqatigiinnut iluaqutaasussaanginnera, naatsorsuinermi tassani eqqarsaatigineqanngimmat, pissutigalugu aningaasaliinerit tamatumani aningaasaqarnikkut iluanaarutaasussanit amerlanerusussaammata. 39 mio. koruunit taaneqartut taakkua taamaalilluni inuiaqatigiinnut iluaqutaasinnaasunut takussutissaanngillat.

2. Nukissiorfiup nukik pilersitsittagaa tamakkiisumik atorneqarsinnaanngortinneqarnissaa pillugu Naalackersuisut qanoq suliniuteqarpat?

Innaallagissiorfinnit kissap atorneqanngitsup atorluarneqarnissaa Nukissiorfiit annertuumik aalluppaat, ilanngullugu tamatuma kommunit ikuallaasariifit kissamik pilersinneqartumut ataqatigiissaakkamik pinissaa. Nukissiorfiit ingerlaavartumik ungasianiit kiassaateqarfinnik inerisaapput, sullitat ungasianiit kiassarnermut ilanngunnissamut kaammattortarlugit, kiisalu ikuallaasariifit kissamik atorluaanissaq pillugu kommunit suleqatigalugit.

Illoqarfinni ungasianiit kiassaateqarfinnik, inoqutigiinnik amerlasuunik ilaatitsiviusumik pilersitsinissaq amerlanertigut imminut akilersinnaasarpoq. Nunaqarfinni pisut ilaanni tamanna imminut akilersinnaasanngilaq, pissutigalugu kissap atorneqanngitsup annertussusaa killeqartarmat, aammalu/imaluunniit inoqutigiit siamasissumik inissisimasarmata, ungasianiit kiassaateqarfinni aningaasaliinerit aningaasaqarnikkut iluaqutissartaqartatik. Pisuni taakkunani illuutit anginerusut qanittumiittut, assersuutigalugu pisiniarfik imaluunniit illu sullivik, ungasianiit kiassarnermik pilersornissaat iluaqutissartaqarsinnaanersoq, Nukissiorfiit misissortarpaa.

Erngup nukingannik innaallagissiorfinni pisinnaasanik atorneqanngitsunik atorluaanissamut tunngatillugu, Nukissiorfiit innaallagissamik kiassarnermik atuinerup annertunerulersinnissaa aalluppaat – uunnaavinnik innaallagiamoortunik qitiusumi pilersitsinikkut imaluunniit sullitat amerlanerusut innaallagissamik kiassarnermik atuisunngortinnerisigut.

3. Ilumoorpa nukik pilersinneqartoq atunngitsoorneqartoq kiassarnermut atorneqarsinnaagaluartoq?

a. Ilumoorsimappat tamanna qanoq atorneqarsinnaanngortinneqarsinnaagaluarpa?

b. Nukiup pilersinneqartup atunngitsoortup kiassarnermut atorneqarsinnaannginneranut suna pissutaava?

c. Suna pisariaqarpa nukiup atunngitsoortup kiassanermut atorneqarsinnaalersinneqarnissaanut?

Apeqqummut 1-imut aamma 2-imut akissuteqaat innersuussutigineqarpoq.

Nukissiorfiit ullumikkut ungasianiit kiassarnermik aamma /imaluunniit innaallagissamik kiassarnermik sumiiffinni makkunani pilersuivoq: Nanortalik, Qaqortoq, Narsaq, Paamiut, Nuuk, Maniitsoq, Sisimiut, Aasiaat, Qasigianguit, Ilulissat, Uummanaq, Upernavik aamma Qaanaaq.

4. Inuiaqatigiinnut qanoq naleqarpa nukiup pilersinneqartup maangaannartinneqartarneranut?

Apeqqummut 1 d-imut akissuteqaat innersuussutigineqarpoq.

5. Nukik pilersinneqartoq maangaannartinneqartorli, kiassanermut atorneqarsinnaalersinneqassagaluarpata tamanna imminut akilersinnaasutut Naalakkersuisut isigaat – nalilersinnaavaat?

Innaallagissiornermit kissap atorneqanngitsup, tamanna akilersinnaasimappat, ungasianiit kiassarnermut atorneqarnissaata qulakkeerneqarnissaa Naalakkersuisuni taamatullu Nukissiorfinni annertuumik pingartinneqarpoq. ungasianiit kiassarnermik siammarterinissamut attaveqarnerni pisariaqartuni aningaasaliinissaq imminut akilersinnaanersoq aalajangiisoqartinnagu, sumiiffinni ataasiakkaani pissutsit ataasiakkaatigut nalilersorneqartarput. Aammattaaq apeqqummut 2-imut akissuteqaat innersuussutigineqarpoq.

6. Ilulissani, Qasigianguni, Aasianni, Sisimiuni, Maniitsumi, Nuummi, Qaqortumilu nukik pilersinneqartoq atorneqanngitsoortorli kiassarnermut atorneqarsinnaalersinniarlugu attavilersuisoqassagaluarpata attavilersuineq qanoq naleqassagaluarpa?

a. Taamatut attavilersuineq siunissamut isigaluni imminut akilersinnaasutut Naalakkersuisut isumaqarpat?


b. Taamatut attavilersuineq ukiut qassit qaanngiuppata imminut akilersinnaalissagaluarpa?

Illoqarfinni taaneqartuni ungasianiit kiassarneq aamma/imaluunniit inaallagissamik kiassarneq, atorneqarpoq. Ataatsimut isigalugu oqaatigineqarsinnaavoq illoqarfinni erngup nukinganik innaallagissiorfeqartuni kissamik maangaannartitsisoqartanngimmat, aammalu kissaq atorneqanngitsoq sapinngisamik illoqarfinni dieselitortumik innaallagissiorfeqartuni atorluarneqartamat.

Naggasiutigalugu oqaatigineqassaaq, nukissiuuteqarnermut suliaasaqarfimmut pilersaarutip suliarineqarnissaa Naalakkersuisut aallartimmassuk. Suliassap taassuma ilaa pingaaruteqartoq tassaassaaq, innaallagissiornermut atatillugu

kissap pilersinneqartup sapinngisamik pitsaanerpaamik atorluarneqarnissaata
qulakkeernissaa.

Inussiarnersumik inuulluaqqusillunga


Vittus Qujaukitsoq